

Itse kgotlelego

Dipotso pele ga puiso

- Kgotlelego ke eng?
- Kgotlelego mme e ama tikologo jang?
- Ke ka ntlha yang fa kgotlelego e le bothata mo lefatsheng lotlhe?
- Ke dilo dife tse di ka bakang kgotlelego?
- O ka thusa jang go fokotsa kgotlelego mo tikologong ya gago?



Kgotlelego e mokgwa wa go dira metsi, mowa le lefatshe kgotsa dilo dingwe mo tikologong leswe. Kgotlelego e dira gore dilo dingwe mo tikologong di se babalesege go ka di dirisa. Kgotlelego ke bothatha jwa lefatshe lotlhe. Gape kgotlelego e senya boleng jwa metsi, lefatshe, mowa le matshelo a rona ka kakaretso.



Kgotlele e bakwa ke go tliša kgotsa go tsenyedilo tse di kgotlelang mo tikologong. Dilo tse di kgotlelang di bakiwa ke ditiro tsa batho mmogo le tholego. Dilo tse di kgotlelang, di ka nna kotsi mo matshelong a rona le a diphologolo ka kakaretso.



Ditshedi kgotsa ditshenekegi ke dingwe tse di senyane dijalo mo masimong. Ka jalo balenwa ba didirisa dibolaya ditshenekegi go bolaya ditshedi tse. Dibolaya ditshenekegi tse, di na le dikhemikale tse di bothole e bile di le kotsi. Gape dibolaya ditshenekegi tse, di baka kgotlelego mo moweng o re o hemang.



Fa dijanaga dikgweetswa, leokwane le a ša mme le dira mosi o o nang le dilo tse di kgotlelang. Dilo tse di kgotlelang tse, di baka kgotlelego mo moweng. Fa dilo tse dikgotlelang tse di le dintsi mo moweng, di baka esiti. Esiti e, kgona go baka pula ya esiti e e leng kotsi mo dijalong le go senya meago.



Melele oya masimo e diragale fa bojang bo omeletse ka nako ya selemo fa go fisa. Gantsi melelo e bakwa ke batho go feta go bakwa ke tiholego. Mosi o o tswang mo melelong e, o kgotlela mowa o re o hemang.



Kgotlele ya metsi ke fa matlakala le dilo tse di bothole di latlhelwa mo metsing. Metsi a a mo dinokeng, matsheng, matamong le mawatleng a a kgotlelwa. Dilo tse di latlhelwang mo metsing, di ka nna le bothole jo bo fokotsang boleng jwa metsi.



Dikhele dikale tse di tshelwang mo metsing go tswa mo madirelong, di leswafatsa metsi. Fa metsi a le leswe, a nna bothole mo ditsheding tsa metsi. Metsi a, a ka nna kotsi gape mo matshelong a batho ka kakaretso.



Madirelo nangwe a latlhela le go tshololela kgeleloleswe mo melapong e se ka fa molaong. Ka jalo, boleng jwa metsi a a phepa bo a amega. Metsi a a nang le kgeleloleswe fa a sa phepafadiwa, a baka malwetse mo bathong.